

四庫全書

史部

# 欽定四庫全書

史部

明會典卷一百一十六至

詳校官編修<sub>臣</sub>裴謙

編修<sub>臣</sub>程嘉謨覆勘

總校官知縣<sub>臣</sub>繆琪

校對官編修<sub>臣</sub>饒慶捷

謄錄監生<sub>臣</sub>姚希慶

欽定四庫全書

明會典卷九十六

禮部五十五

主客清吏司

諸司職掌

郎中員外郎主事掌諸蕃朝貢等事

朝貢一

國初諸蕃國及四夷土官人等朝貢具見諸司職掌其

後幕化者衆事例日增土官衙門添設別見兵部而事關朝貢者續列於後

諸司職掌

一凡諸番國及四夷土官人等或三年一朝或每年朝貢者所貢之物會同館呈報到部主客部官赴館點檢見數遇有表箋移赴儀部其方物分豁進貢上位若干殿下若干開寫奏本發落人夫管領先具手本關領內府勘合依數填寫及開報門單於次日早朝照進內府

或於奉天門或奉天殿丹陛或華蓋殿及文華殿前陳設本部正官奏啓進納若遇慶賀聖節正旦貢獻之物初到即以數目具本奏聞物候至日通進內府陳設交收

一凡進馬騾到於會同館即令典牧所差醫獸辯驗兒騾驢及毛色齒歲明白備寫手本交收及令本館放支草料喂養仍撥人夫管領至期進內府行列於丹墀東伺候御前牽過同手本交付御馬監官收領

一凡進象駝到於會同館令本館喂飼次日早進內府御前奏進如候聖節正旦冬至陳設進收日遠先行奏聞象送馴象所駝送御馬監收養至期令進內府陳設一凡進虎豹禽鳥之類到於會同館就令畜養之人喂養具數奏聞送所司收領至期進內府丹墀內陳設

一凡進金銀器皿珍寶段疋之類須同貢獻之人驗視明白具寫奏本仍以器具裝盛或黃袱封裏分撥館夫一同貢獻之人收管先期一日關填勘合開報門單次

日早照進內府於殿前丹陛等處陳設一一交付長隨  
內使收受

一凡進蘇木胡椒香蠟藥材等物數萬以上者船至福  
建廣東等處所在布政司隨即會同都司按察司官檢  
視物貨封艚完密聽候先將番使起送赴京呈報數目  
除國王進貢外番使人伴附搭買賣物貨官給價鈔收  
買然後布政司仍同各衙門官將貨稱盤見數分豁原  
報附餘數目差人起解前來本部委官及行戶部都察

院委官會同差督人夫運進承運等庫稱盤入庫本部  
先期開寫各庫該收貨物手本於午門關領各門勘合  
填寫照進并出給長單令該庫批寫實收數目回部備  
照

一朝貢諸番及四夷土官去處

番國

高麗國

東海

暹羅國

南海

琉球國

南海

占城國

南海



真臘國

南海

安南國

南海

日本國

東海

爪哇國

南海

瑣里

西洋瑣里

三佛齊

淳泥國

百花國

覽邦國

彭亨國

淡巴國

須文達那國

西南夷

四川

烏蒙軍民府

烏撒軍民府

芒部軍民府

金筑安撫司

廬山長官司

慕役長官司

西堡長官司

大華長官司

寧谷寨長官司

頂營長官司

十二營長官司

安順州

貴州宣慰司

後屬貴州布政司

平茶洞長官司

播州宣慰司

龍州  
龍州宣撫司

程番長官司

後爲府設流官

永寧州

鎮寧州

康佐長官司

建昌衛

建安州

禮州

栢興州

酉陽宣撫司

木瓜長官司

方番長官司

黎州

邛部軍民府

德昌府

普安軍民府

東川軍民府

長河西

天全六番招討司

阿昔簇長官司

占藏先結簇長官司

略匝簇長官司

北定簇長官司

祁命簇長官司

阿昔洞簇長官司

勒都簇長官司

班班簇長官司

者多簇長官司

麥匝簇長官司

石砮宣慰司

泥溪長官司

雷坡長官司

沐川長官司

平夷長官司

蠻夷長官司

馬湖府

後改設  
流官

岳希蓬長官司

隴木頭長官司

靜州長官司

里州

建昌府

濶州

中縣

碧舍縣

會川府

武安州

永昌州

隆州

姜州

黎溪州

麻龍縣

會理州

威龍州

昌州

普濟州

廣西

龍英州

江州

龍州

思明府

陀陵縣

養利州

上下凍州

思陵州

萬承州

安平州

太平府

後改設太平府流官

都結州

羅陽縣

思城州

結倫州

鎮遠州

左州

崇善縣

茗盈州

南丹州

結安州

永康縣

思同州

東蘭州

那地州

全茗州

利州

鎮安府

田州府

泗城州

奉議州

雲南

姚安軍民府

後改設流官知府

姚州

元江府

廣通縣



平緬宣慰司

車里軍民宣慰司

八百宣慰司

麗江府

景東府

楚雄府

後改設  
流官

鶴慶府

後改設  
流官

尋甸府

後改設  
流官

鄧川州

海東土官

賓居土官

小雲南土官

臨安府  
嵎我縣

大理府

後改設  
流官

湖廣

施南宣慰司

忠建安撫司

思南宣慰司

後改思恩府設流官

永順宣慰司

臻部六洞黃坡等處長官司

保靜宣慰司

曲靖軍民府

後改設流官

西域

西天泥八喇國

朶甘

沙州

烏斯藏

薩里

薩喇

賽瑪爾堪

明祖訓

一四方諸夷皆限山隔海僻在一隅得其地不足以供給得其民不足以使令若其自不揣量來擾我邊則彼爲不祥彼既不爲中國患而我興兵輕伐亦不祥也吾恐後世子孫倚中國富彊貪一時戰功無故興兵致傷人命切記不可但東北與西北邊境互相密邇累世戰爭必選將練兵時謹備之

今將不征諸夷國名開列於後

東北

朝鮮國

即高麗其李仁人及子李成桂今名旦者自洪武六年至洪武二十八年首尾

凡弑王氏四王姑待之

正東偏北

日本國

雖朝實詐暗通奸臣胡惟庸謀爲不軌故絕之

正南偏東

大琉球國

朝貢不時王子及陪臣之子皆入太學讀書禮待甚厚

小琉球國

不通往來  
不曾朝貢

西南

安南國

三年  
一貢

真臘國

朝貢如常  
其國濱海

暹羅國

朝貢如常  
其國濱海

占城國

自占城以下諸國  
宋朝時內帶行商多  
行謫詐故沮之  
自洪武八年沮至洪武

十二年方乃得  
止其國濱海

蘇門答喇

其國  
濱海

西洋國

其國濱海

爪哇國

其國濱海

彭亨國

其國居海中

百花國

其國居海中

三佛齊國

其國居海中

淳泥國

其國居海中

明會典卷九十六

欽定四庫全書

明會典卷九十七

禮部五十六

朝貢二

事例

朝鮮國

朝鮮古高麗國洪武二年國王遣使奉表賀即位請封  
貢方物五年令三歲或一歲遣使朝貢二十五年更其

國號曰朝鮮永樂以來每歲聖節正旦皇太子千秋節  
皆遣使奉表朝賀貢方物其餘慶慰謝恩等項皆無常  
期若朝廷有大事遣使頒詔於其國其國王請封亦遣  
使行禮

貢物

金銀器皿

各色苧布

白細花席

人參

豹皮

獺皮



黃毛筆

白綿紙

種馬每三年五十疋

安南國

洪武二年遣使朝貢因請封爵詔封爲安南國王永樂  
四年以其臣篡立發兵討平之宣德間遣使來謝罪請  
命因宥而封之今三年一朝貢別有進中宮東宮方物  
其或以慶慰謝恩等事來貢者不在三年一貢之例朝  
廷有大事遣使頒詔於其國其國王請封亦遣使行禮

貢物

金銀器皿

薰衣香

降真香

沉香

速香

木香

黑線香

白絹

犀角

象牙

紙扇

暹羅國

洪武四年遣使來朝貢進金葉表并方物賀正旦八年遣使賫詔及印綬往賜之十六年給勘合文冊凡中國使至必照驗相同永樂元年遣使乞量衡爲國中式自後定例每三年一朝貢

貢物

象

象牙

犀角

孔雀尾

翠毛

龜筒

六足龜

寶石

珊瑚

金戒指

片腦

米腦

糠腦

腦油

腦柴

檀香

速香

安息香

黃熟香

降真香

羅斛香

乳香

樹香

木香

烏香

丁香

阿魏

薔薇水

丁皮

碗石

紫梗

藤竭

藤黃

硫黃

沒藥

烏爹泥

肉豆蔻

胡椒

白豆蔻

草撥

蘇木

烏木

大楓子

苡布

油紅布

白纏頭布

紅撒哈刺布

紅地絞節智布

紅杜花頭布

紅邊白暗花布

乍連花布

烏邊葱白暗花布

細棋子花布

織人象花文打布

西洋布

織花紅絲打布

剪絨絲雜色紅花被面

織雜絲打布

紅花絲手巾

織人象雜色紅花文絲縵

琉球國

洪武間其國中山王山南王山北王皆遣使奉表箋貢  
馬及方物二十五年中山王遣子姪入國學永樂以來  
國王嗣立皆請命冊封自後惟中山王來每二年許朝

貢一次每船一百人多不過一百五十人

貢物

馬

硫黃

蘇木

胡椒

螺殼

海巴

刀

生紅銅

錫

牛皮

擢子扇

磨刀石



瑪瑙

烏木

降香

木香

一貢物內象牙等物進收疏黃蘇木胡椒運送南京該  
庫馬就於福建發缺馬驛站走遞磨刀石發福建官軍  
收貯

占城國

洪武二年遣使朝貢詔封爲占城國王四年遣使奉金  
葉表來朝貢十六年復遣子來賀聖節乃遣使賚與勘

合文冊二十四年復來朝貢以其臣弒立命絕之永樂  
後其國與諸國皆來朝貢始定每三年一來正統後其  
國襲封遣使行禮

貢物

象

象牙

犀

犀角

孔雀

孔雀尾

橘皮抹身香

龍腦

薰衣香

金銀香

奇南香

土降香

檀香

栢木

燒碎香

花梨木

烏木

蘇木

花藤香

蕪蔓番沙

紅印花布

油紅綿布

白綿布

烏綿布

圓壁花布

花紅邊縵

雜色縵

番花手巾

番花手帕

兜羅綿被

洗白布泥

真臘國

洪武六年遣使來貢後朝貢不常

貢物

象

象牙

蘇木

胡椒

黃蠟

犀角

烏木

黃花木

土降香

寶石

孔雀翎

日本國

洪武七年遣僧人來朝貢以無表文却之其臣亦遣僧人貢馬及茶布刀扇等物以其私貢仍却之十四年國

王遣使來復却其貢僧人俱發陝西四川各寺居住三十五年復來朝貢後定爲十年一來貢

貢物

馬

盛

鎧

劍

腰刀

鎗

塗金粧彩屏風

洒金厨子

洒金文臺

洒金手箱

描金粉匣

描金筆匣

抹金提銅鈔

洒金木鈔角盥

貼金扇

瑪瑙

水精數珠

硫黃

蘇木

牛皮

爪哇國

洪武三年遣使貢方物并納元所授宣諭十四年上金  
葉表來貢及黑奴三百人後絕其貢永樂二年其國東

王遣使朝貢且請印章命鑄鍍金銀印遣使賜之正統八年定每三年一貢自後朝貢無常

貢物

胡椒

草茛

蘇木

黃蠟

烏爹泥

金剛子

烏木

番紅土

薔薇露

奇南香



檀香

麻藤香

速香

降香

木香

乳香

龍腦

血竭

肉豆蔻

白豆蔻

藤竭

阿魏

蘆薈

沒藥

大楓子

丁皮

番木鱉子

悶虫藥

碗石

草澄茄

烏香

寶石

玢珠

錫

西洋鐵

鐵鎗

摺鐵刀

苳布

油紅布

孔雀

火雞

鸚鵡

玳瑁

孔雀尾

翠毛

鶴頂

犀角

象牙

龜筒

黃熟香

安息香

瑣里國

洪武五年遣使奉金字表文朝貢并圖其土地山川以獻

貢物

馬

紅撒哈喇

紅八者蘭布

紅番布

觀木里布

白苾布

珠子項串

西洋瑣里國

洪武三年遣使來朝進金葉表文及方物永樂元年復遣使來朝

貢物

黃黑虎

馬

明會典卷九十七

欽定四庫全書

明會典卷九十八

禮部五十七

朝貢三

事例

三佛齊國

洪武四年遣使奉金字表文來朝貢六年復遣使賀正  
旦并貢方物八年復遣使從招諭拂菻國朝使來貢十

年遣使奉表請印綬命齎駝紐鍍金銀印賜之

貢物

黑熊

火雞

孔雀

五色鸚鵡

諸香

兜羅綿被

苾布

白獺

龜筒

胡椒

肉豆蔻

番油子



朱腦

淳泥國

洪武四年遣使進金表銀箋及方物永樂三年遣使封其國主爲王給印符誥命六年王率其妃及家屬陪臣來朝至福建遣內臣往宴勞之令所過諸郡設宴至京王奏金字表文及諸珍物妃進中宮東宮箋及方物上御奉天門享王宴是年王卒輟朝三日祭賻甚厚詔謚恭順賜葬南京城外石子岡以西南夷人隸籍中國者

守之樹碑立祠命有司春秋致祭復令其子襲封遣內官及行人護送還國復從其請封其後山爲長寧鎮國之山御製碑文賜之十二年及洪熙元年俱來朝貢

貢物

單目  
用銀

珍珠

寶石

金戒指

金縵環

龍腦

米腦

梅花腦

降香

沉速香

檀香

丁香

肉豆蔻

黃蠟

犀角

玳瑁

龜筒

螺殼

鶴頂

熊皮

孔雀

倒挂烏

五色鸚鵡

黑小斲

金銀八寶器

百花國

洪武十一年遣使奉金葉表來朝貢

貢物

白鹿

紅猴

龜筒

玳瑁

孔雀

鸚鵡

倒挂鳥

胡椒

香

蠟

彭亨國

洪武十一年遣使奉金葉表貢番奴及方物永樂十二年復遣使朝貢

貢物

金水罐

檀香

乳香

速香

片腦

胡椒

象牙

淡巴國

洪武十年遣使奉表朝貢

貢物

苾布

兜羅綿被

沉香

檀香

速香

胡椒

古里國

永樂三年遣使朝貢詔封爲古里國王給印及誥五年

七年復遣使來朝貢

貢物

寶石

金繫腰

珊瑚珠

琉璃瓶

琉璃碗

拂郎雙刀

寶鐵刀

蘇合油

阿思摸達塗兒氣

龍涎

梔子花

花氊單伯蘭布

苾布

紅絲花手巾

番花人馬象物手巾

線結花靠枕

木香

乳香

檀香

錫

胡椒

滿喇加國

永樂三年遣使奉金葉表朝貢詔封爲國王給印及誥使者言王慕義願同中國屬郡歲效職貢又請封其國



西山詔封爲鎮國之山御製碑文賜之九年國王率其妻子及陪臣五百四十餘人朝貢命官往勞上御奉天門宴之十年遣使來貢十二年國王母來二十二年宣德九年國王復來正統十年以後屢遣使來貢

貢物

番小廝

犀角

象牙

玳瑁

鶴頂

鸚鵡

黑熊

黑猿

白麕

鎖袂

金母鶴頂

金鑲戒指

撒哈喇

白苾布

薑黃布

撒都細布

西洋布

花縵

片腦

梔子花

薔薇露

沉香

乳香

黃連香

金銀香

降真香

紫檀香

丁香

烏木

蘇木

大楓子

番錫

番鹽

娑羅國

永樂四年東王西王各遣使來朝貢

貢物

黑小廝

花焦布

白焦布

玼珠

玳瑁殼

降真香

黃蠟

小葛蘭國

永樂五年附蘇門答喇等國來朝貢

貢物

珍珠傘

白綿布

胡椒

阿魯國

永樂五年附古里等國來朝貢

貢物

象牙

熟腦

榜葛喇國

永樂六年遣使來朝貢九年至太倉命行人往宴勞之

十二年又遣使貢麒麟等物正統三年貢同表用金葉

貢物

馬

馬鞍

金銀事件

餞金琉璃器皿

青花白磁

撒哈喇

者抹黑荅立布

洗白苾布

兜羅綿

糖霜

鶴頂

犀角

翠毛

鶯哥

乳香

麝黃

熟香

烏香

麻藤香

烏爹泥

紫膠

藤竭

烏木

蘇木

胡椒

錫蘭山國

永樂九年以拒絕朝使歸路破其城生擒國王及家屬

命釋之擇其屬之賢者立爲王十年詔諭其國正統十  
年天順三年皆遣使來貢

貢物

寶石

珊瑚

水晶

金戒指

撒哈喇

象

乳香

木香

樹香

土檀香



沒藥

西洋細布

藤竭

蘆薈

硫黃

烏木

胡椒

碗石

蘇門答喇國

永樂三年遣使來朝貢詔封爲國王給印及誥五年至  
宣德六年屢遣使來貢表用金葉十年復請封其子爲  
王

貢物

馬

犀牛

龍涎

撒哈喇

梭眼

寶石

木香

丁香

降真香

沈速香

胡椒

蘇木

錫

水晶

瑪瑙

番刀

弓

石青

回回青

硫黃

蘇祿國

永樂十五年蘇祿三國東王西王峒王各率妻子頭目  
人等來朝貢十九年遣使來貢

貢物

梅花腦

米腦

竹布

綿布

玳瑁

降香

蘇木

胡椒

草茛

黃蠟

番錫

須文達那國

洪武間遣使奉金葉表貢馬并方物

拂菻國

洪武四年遣使來朝貢

覽邦國

洪武九年遣使來朝貢

柯枝國

永樂二年遣使來朝貢十年復遣使來請封其國之山  
詔封爲鎮國山御製碑文賜之

古里班卒國

永樂三年遣使來朝貢

呂宋國

永樂三年遣使來朝貢

合猫里國

永樂三年遣使來朝貢

磔里國

永樂三年遣使來朝貢

打回國

永樂三年遣使來朝貢

日羅夏治國

永樂三年遣使來朝貢

忽魯母思國

永樂三年遣使來朝貢

甘把里國

永樂十二年遣使來朝貢

麻林國

永樂十三年遣使來朝貢麒麟等物

古麻喇國

永樂間國王率其臣來朝至福州卒詔諡康靖勅葬閩縣令有司歲時致祭

忽魯謨斯國

永樂間遣使來朝貢

沼納撲兒國

永樂間遣使詔諭其國

加異勒國



永樂間遣使來朝貢

祖法兒國

永樂間遣其臣來朝貢

溜山國

永樂間遣其臣來朝貢

阿哇國

永樂間遣使來朝貢

白葛達國

宣德七年遣其臣來朝貢

天方國

宣德間遣其臣來朝貢

默德那國

宣德間遣使隨天方國使臣來朝貢

南巫里國

急蘭丹國

奇刺尼國

夏刺比國

窟察尼國

烏涉刺踢國

阿丹國

魯密國

彭加那國

捨刺齊國

八可意國

坎巴夷贊國

左法兒國

墨葛達國

拔達克山

日落國

已上十六國永樂初各來朝貢

明會典卷九十八

欽定四庫全書

明會典卷九十九

禮部五十八

朝貢四

事例

土官

每三年朝覲差人進貢一次限本年十二月終到京  
一貢物不等

馬

象

金銀器皿

降香

黃蠟

一方物及中途倒死馬匹例不給價其到京馬匹每匹  
賜鈔一百錠

迤北

衛喇特

永樂七年封迤北順寧賢義安樂三王賜印及誥各遣  
人來貢以後貢無定期

貢物

馬

駝

貂鼠皮

海青

泰寧衛

諾延衛

福餘衛

洪武二十一年東國遼王惠寧王諾延元帥府元帥等  
各差人來朝二十二年泰寧衛指揮使等官各賜冠帶  
永樂元年因泰寧衛指揮使等來朝仍設三衛以後襲

陞朝貢不絕每年聖節及正旦每衛許一百人來貢

貢物

駝

馬

哈密

永樂四年封其酋長為忠順王以後襲封賜金印朝貢  
不常成化元年令每年來朝一次多不過三百人八月  
初旬驗放入關起送三十人到京

貢物



青金石

必扎達

鐵器

諸禽皮等物

哈喇

喀三

噶扎爾薩里莽

喀什噶爾

哈達拉

薩蘭

繅林

額爾巴拉

摩和勒

博迪蘇

巴勒赫

阿里瑪

圖沙瑪

綽爾齊

幹齊爾

布哈爾

保喇

實喇斯

尼沙布爾

和斯摩哩

塔布喇實

古薩克蘇

和坦

和珍

庫克新

沙津哈雅

雅蘇

雅爾哈

戎

白

烏蘭

阿克蘇

鄂端

伊蘇城

坤城

沙克

巴延

克結

已上皆西域諸國經哈密來貢者其貢期或三年或五年許來朝一次起送者不過三五十人

罕都

齊勤蒙古

永樂二年設肅州蒙古千戶所賜印及誥

安定衛

洪武七年西域安定王遣使來朝貢鎧甲刀劍等物遣  
賜織金文綺四疋仍詔其酋長立為四部各賜印曰鄂  
端曰阿榮曰庫克新曰特哩八年置安定鄂端二衛指  
揮使司

賽瑪爾堪

洪武二十年賽瑪爾堪等處地面回回二名為開通道

路進馬駝到京二十二年復進馬二十四年進海青以  
後朝貢不常

土魯番

宣德五年遣使來貢後朝貢不常

烏思藏

洪武七年賜銀印給勘合後每三年一貢各番王差人  
填寫原降勘合闡化闡教輔教三王差來人從四川布  
政司比號贊善王差來人從陝西布政司比號并賁有

印信番本咨文方許入貢每貢各許一百人多不過一百五十人大乘大寶二法王不給勘合進貢不常止許差僧徒十人賫印信番本隨同四王進貢之人赴京

貢物

畫佛

銅佛

銅塔

舍利

各色珠勒瑪

各色特爾默

各色氍毹

珊瑚

犀角

左髻

毛纓

酥油

明盔

明甲

刀

劍

長河西魚通寧遠等處

洪武十六年置長河西等處軍民安撫使司每年一貢  
給以勘合於四川比號雅州入貢每貢止許五六十人  
多不過一百人方物該守關官員辨驗申送都布按三

司審實起送

貢物

各色珠勒瑪

各色特爾默

各色氍毹

珊瑚

舍利

犀角

左髻

明盔

刀

畫佛

毛纓



朶甘思

洪武七年陞朶甘衛爲西安行都指揮使司給以銀印  
十八年改朶甘思宣慰使司及萬戶府招討司東道萬  
戶府搭爾千戶所後每年一貢給以勘合於四川比號  
雅州入境每貢止許五六十人多不過一百人

貢物

各色珠勒瑪

各色特爾默

各色氍毹

左髻

明盔

長刀

董卜韓胡

每年一貢於四川比對勘合人數照朶甘思例

貢物

各色氍毹

各色珠勒瑪

各色特爾默

珊瑚

明盔

鐵甲

遮甲麻衣

白毛纓

紅毛纓

黑毛纓

黃左髻

四川威州保縣金川寺番僧

每三年一貢每貢許一百人多不過一百五十人

雜谷安撫司

每三年一貢每貢許一百人多不過一百五十人

達蠻思長官司

舊來朝貢至正統十年以後止弘治二年復來

松潘茂州等處

本地番僧每年朝貢許三十名多不過五十人附近烏思藏地面者亦照烏思藏例每三年許二三十人多不五六十人

陝西洮岷等處番僧

每寺許四五人每年終遇大節一次赴京朝貢

洮岷等處番簇

每二年一貢火簇起送爲首者四五人小簇起送一二

人存留聽賞者大簇不過十五人小簇不過七八人

貢物

馬

銅佛

畫佛

舍利子

酥油

青鹽

足力麻

鐵力麻

氍毹

左髻

毛纓

清木香

明盔

明甲

腰刀

賓客

諸司職掌

凡四夷歸化人員及朝貢使客初至會同館主客部官  
隨即到彼點視正從定其高下房舍鋪陳一切處分安  
妥仍加撫綏使知朝廷恩澤

一下程分豁正從人數劄付膳部五日一次照例支送

酒肉茶麪飲食之物

一管待量其來人重輕合與茶飯者定擬食品卓數劄付膳部造辦主客部官一員或主席或分左右隨其高下序坐以禮管待仍令教坊司供應

事例

洪武二年番王至京師令本部官於會同館禮待永樂以後四夷來朝貢者本部奏待宴官員欽命內臣與文武大臣或學士等官不拘員數 成化初凡東北國

及西番朝貢以武職大臣待外國如朝鮮安南日本等處并土官以本部官待而內臣皆預俱從本部奏請點差設宴俱於會同館惟北使宴於本部本部官亦預

明會典卷九十九



欽定四庫全書

明會典卷一百

禮部五十九

給賜一

朝廷給賜番夷及官員人等事例不一或出一時特恩不可勝紀今舉其可考者具列於後其軍功賞例則見於兵部武選司賞賜項下

諸司職掌

一凡諸番四夷朝貢人員及公侯官員人等一切給賜如往年有例者止照其例無例者斟酌高下等第題奏定奪然後本部官具本奏聞關領給賞

一凡賞賜金銀鈔錠疋帛之類金銀請長隨內官關領疋帛係內承運庫收貯冠帶衣靴係工科工部官收掌鈔錠係戶部官收掌主客部官分投關領其物或於奉天門或奉天殿丹陛或華蓋殿用卓頓放引受賜人朝北立置物於前受賜人叩頭畢以物授之如多至十人

百人則先以所賜之物唱名分授各人行列叩頭畢於該科出帖赴午門倒換勘合照出所賜之物復令次日謝恩

一凡遠夷之人或有長行頭匹及諸般物貨不係貢獻之數附帶到京願納入官者照依官例具奏關給鈔錠酬其價值

在京文武官員人等

公差人員附

事例

登極

宣德十年皇帝登極賜在京文武羣臣及軍民人等銀絹布鈔公銀六十兩侯伯駙馬五十兩一品二品四十兩三品二十兩四品至五品遞減五兩六品至九品遞減二兩雜職三兩故侯伯之家及未承襲者各十兩將軍校尉軍匠人等各二兩優給幼官并紀錄幼軍各於其例減半辦事官監生生員人材吏典陰陽醫士樂人各絹一疋在京廂民工匠厨役僧道人等各布一疋營

造山陵軍人鈔一百貫乾魚三斤聽選公差及四夷朝貢人員各賜鈔有差

修實錄

永樂元年賜監修官銀一百兩綵幣六表裏織金紗衣一套鞍馬一副總裁官銀八十兩綵幣五表裏織金紗衣一套鞍馬一副纂修官銀五十兩綵幣四表裏紗衣一套催纂無謄寫官銀三十兩綵幣二表裏紗衣一套催纂官銀二十五兩綵幣二表裏紗衣一套謄寫監生

生員儒士各銀十兩鈔三十錠綵幣一表裏膳寫吏各銀八兩鈔三十錠綵幣一表裏催督官鈔二十錠絹二疋辦事吏各鈔二十錠絹一疋 弘治四年賜監修并總裁官銀八十兩綵段四表裏羅衣一套鞍馬一副副總裁銀八十兩綵段四表裏羅衣一套纂修官銀三十兩綵段四表裏羅衣一套催纂官銀二十兩綵段二表裏羅衣一套膳錄官銀十五兩綵段二表裏羅衣一套收掌文籍官銀十兩綵段二表裏膳錄監生銀五兩綵

段一表裏辦事吏典鈔二十錠絹一疋各色人匠鈔二十錠布一疋官陞擢事故去任及監生事故去者久近不一賞賚有差

### 視學

成化元年車駕視學祭酒率學官上表謝恩賜襲封衍聖公紵絲衣一套犀帶一條顏孟子孫五經博士紵絲衣一套帶一條各紗帽一頂其餘族人俱紵絲衣一套講官祭酒司業大紅織金紵絲羅衣各一套監丞以下

青織金紵絲各一套監生各鈔五錠吏典二錠

冊立東宮

弘治元年文武官各分五等一等賜紵絲二表裏二等至四等一表裏五等紗一疋南京同公差等項官亦同京衛外衛見操官軍及侍衛帶刀直宿錦衣府軍等衛御馬監并武驤左等四衛官舍將軍旗軍勇士午門等門并正陽等九門官軍銀一兩錦衣等衛所官絹一疋力士旗校軍奴并監局軍匠米一石內府軍廚民匠太



常光祿寺厨役米七斗

經筵

凡經筵初開知經筵同知經筵侍班講書展書等官例  
賜銀幣鈔錠各有等第其日講官或賜冠帶衣服等件  
出自特恩

時節給賜

凡每歲端午節文武百官俱賜扇并五綵壽絲縷若大  
臣及經筵官或別賜扇并綵條艾虎等物各以品級為

等

凡每歲各處進貢時鮮如青梅枇杷楊梅雪梨藕笋鮓魚諸物賜文武大臣及日講官各以品級為等

公差

凡總兵鎮守提督巡撫等官辭朝例賜銀幣寶鈔等物各以事之輕重為等

凡文武大臣奉旨勘事回還及督工選軍審囚等項事畢例賜鈔幣羊酒等物各以事之輕重為等

考滿

凡文職大臣考滿有賜寶鈔羊酒者以品級為等其有賜宴及勅諭者出自特恩

患病

凡文武大臣患病有賜羊酒米蔬等物者皆出特恩

省親

凡在京官員給假省親例賜路費鈔錠各以品級為等

致仕

凡文職大臣致仕有賜勅及銀幣等物者皆出特恩

節令

洪武十六年令在京文武官吏人等正旦元宵節錢支與胡椒斤兩不等 十七年令冬至節錢支鈔不等

二十二年重定賞例公侯伯鈔十錠武職一品二品七錠三品至八品五錠文職二品至六品六錠七品至九品三錠未入流官二錠監生一錠排色長一錠樂工二貫樂舞生二貫各寺守座住持一錠衆僧一貫 二十

六年令自今聖節日在京官吏監生軍民僧道並賜鈔  
永樂二十二年令皇親遇節令照例賜鈔若大臣不  
預宴公侯伯都督尚書賜鈔一千貫侍郎五百貫宣  
德正統以後遇節令文武官及外夷人員并國師以下  
除有宴外其餘官吏人等俱照例闕支節錢官并監生  
鈔一錠儒士知印吏典僧道樂工二貫若奉旨免宴闕  
與節錢大小官員各鈔一錠

慶賀

凡各王府差來進表箋人員每人賜盤纏鈔十錠南京  
并在外三司官及諸司差來人員各五錠各王府差來  
進禮物人員二十錠内外官員内府別給綵段一表裏  
鳳陽等處皇陵祠祭署官員社長土民陵户女户人等  
朝賀到京鈔十錠南京并三司官進表回辭朝別賜鈔  
出自特恩

明會典卷一百

欽定四庫全書

明會典卷一百一

禮部六十

給賜一

諸番四夷土官人等一

事例

朝鮮國

洪武間賜國王金印并大統厯錦繡絨綺王母妃金綺

紗羅相國等官綵段紗羅永樂間給國王冕服九章圭  
玉佩玉春秋會通大學衍義等書王父紵絲紗羅妃珠  
翠七翟冠紅紵絲大衫素紵絲員領霞帔金隆又給綾  
絹茄藍香帽珠鍍金銀匣象牙犀角通鑑綱目列女傳  
等書腦麝沉香白花蛇等藥正統間給遠遊冠絳紗袍  
翼善冠龍袞玉帶數各不等其品物同者不復具列又  
以本國奏乞方材牛角特許歲買五十枝  
一常貢馬匹方物例不給價



一差來進貢陪臣賞織金紵絲衣一套絳段四表裏絹  
五疋書狀通事押物等官每人素紵絲衣一套二表裏  
絹二疋布一疋從人絹衣一套布一疋俱靴襪一雙

一差來奏事陪臣賞織金羅衣一套二表裏絹二疋通  
事每人素羅衣一套一表裏布二疋從人絹衣一套布  
一疋靴襪同前

暹羅國

洪武間賜國王大統歷織金紵絲紗羅等物永樂十五

年給王錦四疋紵絲紗羅各十疋內各織金四疋王妃  
紵絲紗羅各六疋內各織金二疋宣德間各減半以後  
俱照此例

一賞賜使臣正副使及通事總管客人番伴初到賞及  
正賞衣服紵絲絹布靴襪及金銀帶紗帽諸物有差  
一使臣人等進到物貨例不抽分給與價鈔

一給賞畢日出給告示許於會同館開市除書籍及玄  
黃紫皂大花西番蓮段疋并一應違禁之物不許收買

其餘聽貿易

琉球國

洪武十六年賜國王鍍金銀印并文綺等物山南王亦如之後賜中山王山南王山北王紵絲紗羅冠服王妃紵絲羅王姪王相寨官絹公服

一賞賜差來正議大夫長史使者通事從人衣服紵絲布絹及差來王弟王男衣服冠帶紵絲有差

一正貢例不給價附來貨物官抽五分買五分

占城國

洪武二年賜國王鍍金銀印并大統歷使臣文綺紗羅各一疋仍給冠帶永樂元年賜國王錦二疋紵絲六疋紗羅各四疋王妃紵絲四疋紗羅各三疋以後俱照此例

一貢物例不給價

一賞賜差來王弟王孫并通事總管火長從人衣服紵絲紗羅有差

真臘國

洪武六年賜國王大統歷并綵段等物景泰三年賜王  
錦二段紵絲六疋紗羅各四疋王妃紵絲四疋紗羅各  
三疋

一賞賜差來頭目并通事總管火長衣服紵絲絹布有  
差

安南國

洪武元年賜國王鍍金銀印并大統歷綵段等物景泰

二年照朝鮮國宣德十年例給賜綵段十表裏錦四段  
一賞賜差來陪臣鈔綵段織金衣服行人從人鈔綵段  
紗羅衣服有差

一開市貿易與暹羅國同

日本國

永樂間賜國王冠服紵絲紗羅金銀古器書畫等物宣  
德十年回賜國王紵絲二十表裏紗羅各八疋錦二疋  
銀二百兩妃銀一百兩以後俱照此例

一賞使差來正副使并僧人居座土官通事初到賞僧衣靴帽及正賞紗羅紵絲絹布銅錢諸物有差

一正貢例不給價正副使自進并官收買附來物貨俱給價不堪者令自貿易

### 瓜哇國

永樂初賜東西王紵絲紗羅帳幔手巾羊酒器皿王妃紵絲紗羅手巾等物正統三年賜王紵絲十疋紗羅各三疋妃紵絲六疋紗羅各二疋以後回賜不為例景泰

三年因王求討給傘蓋一把蟒龍衣服一領

一賞賜使臣通事頭目人等初到賞織金素羅衣服靴襪正賞紵絲紗羅絹布女使并女頭目俱同

一貢物例給價

瑣里國

洪武五年賜國王大統歷及織金綵段紗羅各四疋使臣綵段紗羅各二疋僉從高麗布各二疋

西洋瑣里國



洪武三年以其國來朝涉海道遠賜賚甚厚永樂元年許來朝附載胡椒等物皆免稅

三佛齊國

洪武四年賜國王大統歷及絳段紗羅使臣紗羅絳段有差六年賜國王二十四疋正使三人各二疋衣一套副使二人各一疋通事以下布帛有差十年給王及使臣織金絳段紗羅靴襪等物有差

淳泥國

洪武四年賜國王織金綵段紗羅及使者綺帛有差永樂六年給王冠帶襲衣王子還國賜金廂玉帶一條金百兩銀三千兩及錢鈔錦綺羅衾褥帳幔器皿等物王母王叔以下各有賜俱加厚

一正賞外附帶物值俱給價

百花國

洪武十一年賜國王及使者織金綵段紗羅衣服有差

彭亨國

洪武十一年賜國王王妃紵絲紗羅共四十八疋使臣織金綵段衣服有差

淡巴國

洪武十年賜國王織金綵段紗羅使臣綵段襲衣等物有差

古里國

永樂間賜國王王妃紵絲紗羅等物

滿刺加國

永樂三年賜國王絳段襲衣九年賜錦繡龍衣二套麒麟衣二套及金銀器皿帷帳裯褥王妃及其子姪陪臣僉從綵段紗羅襲衣有差王還國給金廂玉帶一條儀仗一副鞍馬二疋金百兩銀五百兩鈔四十萬貫銅錢二十六百貫錦綺紗羅三百疋絹一百疋金綺二疋織金文衣二件王妃冠服一副及銀鈔錦綺紗羅等物陪臣賞物有差其後給賞俱從厚

一正賞外附來貨物皆給價其餘貨物許令貿易

娑羅國

永樂四年賜國王紵絲紗羅共十六疋織金大紅錦手  
巾一副王妃紵絲紗羅共八疋正副使并從人鈔紵絲  
羅并衣服靴襪

小葛蘭國

永樂五年差內官給賜頭目紵絲紗羅共十一疋

阿魯國

永樂五年差內官給賜頭目紵絲紗羅共十疋

榜葛刺國

永樂三年賜國王紵絲紗羅各四疋絹八疋王妃紵絲  
紗羅各三疋絹六疋十二年給國王錦四段綾六十疋  
頭目人等給賞有差

錫蘭山國

宣德八年賜國王紵絲十八疋紗四疋王妃紵絲八疋  
紗四疋正使正賞綵段八表裏折鈔絹十疋紗羅三疋  
織金紵絲衣一套副使正賞綵段四表裏折鈔絹七疋

紗羅各二疋織金紵絲衣一套通事番伴人等給賞有差

一使臣人等自進物俱給價

蘇門答刺國

永樂三年賜國王綵段襲衣宣德六年賜錦二段紗羅各四疋絹十三疋妃紵絲五疋紗羅各四疋絹六疋進馬回賜綵段二十表裏以後俱照此例正使賞綵段五表裏紗羅各一疋折鈔絹四疋通事頭目使臣妻等各

賞有差

一正貢外使臣人等自進物俱給價

蘇祿國

永樂間賜國王紗帽金廂王帶釵花金帶金蟒龍等衣服金銀錢鈔珍珠錦紵絲紗羅器皿鋪陳等物王妃冠服銀錢鈔紵絲等物王男女親戚頭目使女冠帶衣服諸物各有差

一貨物例給價免抽分



土官

永樂二年給賜土官衙門

木邦

八百大甸

麓川平緬

緬甸

車里

老撾六宣慰使司

干崖

大候

里馬

茶馬四長官司

潞江安撫司

孟艮

孟定

灣甸

鎮康等府

各給信符勘合金字紅牌其制銅鑄信符五面內陰文者一面上有文行忠信四字與四面合編某字一號至一百號批文勘合底簿其字號如車里以車字為號緬甸以緬字為號陰文信符勘合俱付土官底簿付雲南布政司其陽文信符四面及批文一百道藏之內府凡朝廷遣使則齊陽文信符及批文各一至布政司比同

底簿方遣人送使者以往土官比同陰文信符及勘合  
即如命奉行信符之發一次以文字號二次行字號周  
而復始又置紅牌鏤金字勅書諭之凡有調發及當辦  
諸事須憑信符乃行如越次及比字號不同或有信符  
而無批文有批文而無信符者即是詐偽許擒之赴京  
治以死罪又編勘合一百道付各衙門勘合底簿一扇  
付布政司凡有軍民疾苦及奉信符辦過事務進貢方  
物之類俱於勘合內填寫遣人齎至布政司比號寫底

簿布政司都司遣官同齎所填勘合奏聞若邊境聲息及土人詞訟從都司布政司按察司官會同計議行之其事已行及承行緣由並填寫勘合奏聞如總兵官鎮守遇有前事總兵官亦會三司計議仍用都司或布政司印信文書寫總兵官處分之語方許奉行亦填寫勘合具奏若朝廷命總兵官掛將軍印征討調遣軍馬不待三司文移即時發遣亦填寫勘合差人奏聞填寫勘合或字畫錯誤明白圈註以本司印信鈐蓋凡所收底

簿及勘合用之將盡具奏再頒或總兵官都司布政司等官新除到任及遇時節不許齋禮物相慶仍以紙寫一道付之或有貪婪無藉凌害者不待填寫勘合止具本遣人齋勅不經總兵官及三司徑赴京陳奏者治以重罪

一給賞差來到京土官弟男頭目人等各照衙門品級高下為差

三品四品鈔一百錠綵段三表裏

五品鈔八十錠綵段三表裏

六品七品鈔六十錠綵段二表裏

八品九品鈔五十錠綵段一表裏

雜職衙門并頭目人等自進馬匹方物鈔四十

錠綵段一表裏

差來通把事頭目每人鈔二十錠綵段一表裏

隨來土官弟男并把事頭目人等每人鈔二十

錠從人伴吏每人鈔一十錠

數內有進馬一二疋與方物輕者止照雜職例  
賞

凡該賞半表裏者折與潤生絹二疋鈔錠并馬  
價照舊

凡到京過期者減半給賞後或全賞弘治三年  
以後正月內到者亦全賞二月內到者減半

迤北

永樂宣德間賜順寧王絳段十表裏妃五表裏頭目一

等者五表裏二等至四等者四表裏 正統二年賜托克  
托布哈王綵段十五表裏虎斑絹十疋妃八表裏頭目  
一等八表裏二等六表裏三等五表裏四等四表裏外  
有加賜後一等二等遂為定例三等止與三表裏或二  
表裏四等五等皆二表裏 六年賜太師額森段絹如  
托克托布哈王其妻每口五表裏一等二等數內頭目每  
人加賜織金綵段一表裏天順以後一等二等者不加  
賜三等者俱二表裏



一賞賜差來正副使臣每人賞織金衣服一套靴襪各一雙

七年賞例

一等正副使初到織金紵絲衣一套紅氍帽一頂靴襪各一雙

正賞綵緞六表裏絹二疋

二等使臣初到賞同

正賞綵段四表裏絹三疋

三等帶牌并使臣初到賞同

正賞綵段二表裏絹二疋

四等初到賞紵絲衣一套小男與小衣紅氍帽一頂靴襪各一雙

正賞綵段一表裏絹一疋

五等各頭目差來使臣下從人初到賞與四等同

正賞綵段一表裏

正副使妻初到賞織金紵絲女衣一套靴襪各一雙

正賞綵段二表裏絹二疋

衆使臣妻女初到賞絹女衣一套小女賞小女衣靴襪  
各一雙

正賞絹二疋

從人妻初到賞絹女衣二件靴襪各一雙

正賞絹一疋

自來男婦

男子初到賞絹衣二件小男與小衣紅氍帽一頂

正賞絹一疋

婦女初到賞絹衣二件小女與小衣靴襪各一雙

正賞與男子同

後定賞例

一等正副使每人賞綵段六表裏絹五疋

二等使臣綵段四表裏絹三疋

三等綵段二表裏絹二疋

四等綵段一表裏絹一疋俱與紵絲衣一套紅氍帽一

頂靴襪各一雙數內婦女不與紅氍帽

使臣自進中等馬每匹綵段二表裏折鈔絹二疋下等馬綵段一表裏絹六疋折鈔絹一疋

帶進在彼頭目馬匹不分等第每匹回賜綵段二表裏給賜在彼頭目

一等每人綵段八表裏

二等六表裏

三等三表裏

四等二表裏

一等二等緊要頭目加賜織金綵段一表裏

一回賜永樂九年回賜順寧等王上等馬者各綵段十

表裏海青一連四表裏白狐皮二十七箇四表裏宣

德間回賜順寧王及使臣人等進馬中等者每匹二表

裏折鈔絹二疋下等者紵絲一疋絹八疋折鈔絹一疋

下下者絹六疋折鈔絹一疋駝每隻三表裏折鈔絹十

疋中途寄留倒死新生駒馬每匹絹三疋折鈔絹半疋  
駝每隻絹六疋折鈔絹一疋海青一連一表裏銀鼠皮  
二百個十二表裏貂鼠皮二箇絹一疋青鼠皮十箇絹  
一疋土豹一箇絹七疋半 正統元年回賜使臣銀鼠  
皮每六箇絹一疋玉石每一斤絹一疋 二年回賜托  
克托布哈王及頭目使臣人等馬每匹二表裏貂鼠皮五  
十箇四表裏使臣者每二箇絹二疋銀鼠皮五十箇二  
表裏使臣者十五箇絹一疋白兔皮三箇絹一疋白狐

皮一箇絹一疋小廝一名二表裏 三年貂鼠皮每十  
箇一表裏 四年貂鼠皮每三箇絹一疋使臣人等到  
京續進馬俱照下等馬例回賜 五年回賜銀鼠皮與  
熟紅絹 六年青鼠皮每二十箇絹一疋使臣人等馬  
分三等托克托布哈王并太師額森馬不分等第 八年  
額森阿勒古馬每匹六表裏使臣馬每匹四表裏絹八  
疋 九年進西馬者每匹五表裏絹十疋薩哈連每段  
絹九疋 十二年阿勒古馬回賜四表裏



一求討在彼頭目一等二等并三等內有係酋長親及親信用事者俱請旨給賜 弘治三年三等以下不給賜差來使臣弘治元年并三年四年俱有特賜

一貿易本部出給告示除違禁物不許貿易其段絹布疋聽於街市與官負軍民人等兩平買賣正統十年許買賣五日 十二年許衛喇特使臣賣馬 景泰元年許買銅湯瓶鍋紅纓鞍轡剪子等物

泰寧衛 諾延衛 福餘衛

凡差來并自來都督賞綵段四表裏絹二疋都指揮綵  
段三表裏絹二疋指揮百戶所鎮撫頭目每人綵段二  
表裏絹一疋各織金紵絲衣一套各加綵段一表裏舍  
人每人綵段二表裏絹一疋織金衣一套從人每人綵  
段一表裏絹一疋素紵絲衣一套婦女有進貢者每人  
一表裏絹一疋紵絲女衣一套隨來婦女一表裏絹一  
疋絹女衣一套以上靴襪各一雙奏事進貢都指揮絹  
二疋綵段三表裏織金衣一套指揮每人絹一疋綿布

一疋綵段二表裏紵絲衣一套靴襪各一雙舍人因事  
進貢者每人綵段一表裏織金衣一套絹一疋靴襪各  
一雙

一回賜自進并帶進過馬匹不分等第每匹回賜綵段  
二表裏絹一疋駝每隻三表裏絹十疋在衛都督指揮  
每員加賜綵段一表裏

一貿易領賞畢日許於會同館開市三日鋪行人等照  
例將貨入館兩平交易其回還沿途貨買牛隻犁鋤鐵

鍋等件行移鴻臚寺會同大通事差本寺通事一員伴  
送及順天府轉行薊州遵化等處如遇三衛夷人回還  
到彼聽令兩平交易每人止許收買牛一隻犁鏵一副  
鍋一口不許將違禁之物私自夾賣違者許巡按御史  
究治

一求討賞賜外復有求討請旨量與物件到京者照名  
給散在衛者請勅開付差來人領去

明會典卷一百一